





有明閨閣最多能詩而越中為盛若長興之陳懿德
鄞之屠瑤瑟嘉興之桑貞白秀水之項蘭貞至會稽
商景蘭山陰祁德淵尤以忠節聞此固山水之秀有
以鍾之亦漸摩家庭之教者深也吳氏若華越產也
父運使樹屏先生舊以文章名世若華耳濡目染以
詩書為飲食與兄閻夫並以清才好學稱曩過樹屏
署出若華詩示予披讀數章婉而多風知得於庭訓
居多又聞近日每成一詩輒質之江都許太夫人太

夫人博綜群雅女中靈光若華與之上下其議論自必擴充才華研精學問他日追踪班昭宣文君鮑令暉諸人為閨閣通儒者必若華也乃不數月而若華歿矣樹屏痛愛女之亡思梓其遺集遣閭夫遠道過吳乞序於予因得盡觀若華詩脫凡化質雅贍清華一掃鉛粉氣小詞規撫淝西六家賦亦流便有唐賢風嗟乎若華具此才華而天偏厄以年猶芳蘭在谷秋風摧之良可慨也又讀其所作制藝織紵文史而

理法不失使得角勝文場應不在名諸生下相傳仁和孫尚書鏞母楊夫人善帖括尚書錄會試文呈母夫人母笑曰淡墨雖書第一未免齧華似魚非文絕品時謂精於斷決然太夫人之文罕有見者豈若若華卷帙之富哉予聞若華天性肫篤事父孝少失母言及輒慟哭思兄憶妹卷中三致意焉仁慈者多壽若華而夭此又理之不可解者也雖然存而無聞何如歿而不朽若華之詩文傳當與越中諸閨閣先後

先朝書序不刊
媲美而其名長在人世間壽其名不更勝壽其身乎
爰題數語伸予惋惜以慰樹屏之悲悼云若華適屈
生恬波亦能文

乾隆癸酉春日長洲沈德潛



閨閣不心才見長而蘊玉含珠山川不能閱其
輝媚故傳經伏女績史班昭世艷稱之然余聞
見所及未有名年未及笄才識超卓如 運使洛
軒先生之愛女若華者若華夙詩禮門風所
著詞賦古今詩因方為珪遇因成璧雲霞奉
舒自成五色蓋已屬僅有之才而尤不凡者帖
括若干首皆係十二三歲時所作一無依傍極
華生英思壯采湧現彩真家無半點兔園冊

子中却氣其渾脫矯健愛如游龍戲海出沒
波濤隱之有無數鱗爪彼循行數墨家業此
數十年位之拖泥帶水徒成死景而若華不假
追琢筆落心開滿帝都是靈氣其從髮持
天宮來耶人間亭榭不堪俯視矣 洛軒先
生云若華以歲受經善于求問持論超越常解
能探大經大義之與師每不能屈惜哉蓮舌蘭心
不令解圍之謝道韞見之也年十八歸佳士屈子

情波不半載而歿嗟乎天生異質夫豈偶然而
奪其天年僅存此吉光之片羽豈天既生之而
又嫉之吾獨地靈人傑世不多有蓋天上人間
所同貴也玉樓之台奚必獨在男子哉

僑吳老圃邵泰跋



若華吾姊夫澹軒之長女也四歲喪母
與兄閻夫偕依祖妣善讀書能以文競爽
字屈氏恬波既成昏數月而卒年十有八
嗚呼哀哉當吾姊之亡也號泣無節色慘
聲酸及長猶孺慕肫然常悽愴悲懷恨不
逮事以柔弱之體而加以抑鬱之心其能
久乎然其純孝之至性足以銘之金石而

不朽又况研精制藝鎔經鑄史兼通詩賦
躋宗攀唐更能情深而文明者耶嗚呼斯
真吾姊之女矣吾姊寬仁靜慈事親事姑
以勤以順至今宗黨猶稱之而若華甥適
肖其德乃其年之不永也抑又甚焉憶余
少時先君為工部郎中澹軒為吏部選司
從遊于京時與吾姊相見懽若一體繼而

先君出守建昌相泣而別是時閭夫甥在
襁抱中逾年而若華生余於辛酉至京乃
得見之喜其聰穎絕人天性肫篤為余道
其母所以之及萋萋南歸事余聞而悲之
既思吾姊之有令嗣而其女又堯然秀出
也則稍以自慰余後赴陝遊洛相隔十載
庚午冬至淮署乃復相聚盡歡時以詩示

先耕書屋存稿
余甚多佳句靜坐幽閨耽嗜書史雖有微
疾無傷也去年春余奔父喪摧心傷骨但
留殘喘而返于揚乃見若華之病且卒也
嗚呼哀痛慘怛孰如予之甚耶恬波賢而
有文與閻夫皆學于予予謂二人之才學
俱能光大其世業以為吾姊增榮惜不及
令若華見也澹軒痛其亡且不忍其無傳

乃搜遺稿屬予為序予誼不獲辭忘其固
陋略陳梗概非徒以其詩賦之工而其至
性有不可磨滅者非予孰能知之深而道
之詳耶且使後之人亦知閨中賢女有過
于偉男子之所為者則未必非壽世之一
徵也癸酉歲舅氏秀水徐臨書於廣陵齋
運署中



若華女甥為吳姊夫元配徐夫人所出徐夫
人早歿若華方四齡偕六齡兄瑛相依祖母
隨父宦遊幼敏於資默識左傳文選子史諸
書悉解意義十二作帖括之文清真典雅涵
古茹今十四能詩賦多秀麗刻畫語唐午吳
公由淮陰郡守改觀察使招余在署喜見若
華幽貞聰慧有大家風亦竊虞琉璃質脆

無復金石堅也願余放浪湖山久荒學植
若華偏篤信懃拳侶和研窮者一載益諳
格律嚴氣體昨歲吳公移齋使蒞揚仍留
余榻官舍與若華論詩思深旨遠菁英
會蓄漸入唐人堂奧余遜謝之初秋歸當
湖屈氏恬波少年才富共較書朱樓濡毫
酬答為若華幸甚嗚呼凡人血氣侵犯則

傷以薄弱之軀專心考古寢食幾廢一旦疾作
青囊寡效而垂死從容語言慷慨略無兒
女情態三日蓋棺形神弗易凜々有生色焉
咸為若華痛者父因公之吳兄以壘母歸浙
並不及見七旬祖母數月夫婿嚮哭失聲聞
者酸鼻余謂夭壽在名不在齒老彭未必
賢於顏子而修短迥庭至今觀之同成曠世

名不與齒俱歿也彼夫恣睢暴戾終於壽
考宜商子耳自昔裙釵流輩以文章德性
著者歷數幾人若華甫越加笄幽貞聰慧
閨幃僅靚音容雖渺楮墨餘香憶可以
傳矣吳公收拾亡女遺稿各體僅存若干首
付之剞劂屬余序云癸酉孟春月韓江舅氏
唐思



余元配徐淑人歿于乾隆戊午
年四月歸余纔六年耳生子一
名瓊女一名璞即若華也若華
四歲失母甫離襁褓號痛狂呼
哭無常聲余傷而憐之若華朝
夕惟祖母是依余時官吏部
展入暮歸若華追隨遶膝未

嘗一日相離歲壬戌余視學楚
北若華年八歲偕之任始就傳
受經于余從兄再襄讀書成誦
善于求問嘗疑湯武非聖且以
君之于臣猶父之于子萬一父有
違所為子者當有善處之道
亦得謂之乙夾可乎其持論

雖未精而大義昭然如揭日月
與東坡之論暗合再襄為余言
輒心異之歲乙丑若華隨余任
之閩浮長江涉錢唐踰仙霞嶺
歷波濤魚龍之險覽山川詭麗
之奇是時若華年十一歲才思
充發初學為詩文遍誦六經而

予石氏春秋文選諸書尤為精
熟迨余官淮陰移鹺使若華年
十有八矣性不喜女工酷嗜吟
咏每一稿成輒請正予余皆能成
章為人言笑不苟動循禮法有
貞靜之風事 祖母繼母以孝
敬兄愛弟人無間言余深受愛

其穎悟過人更喜其成立且為
徐淑人有女幸也適當湖屈生
恬波閨門之內以敬以和成婚
甫數月以疾卒於揚州官署適
余牙役吳門其兄璵為母營葬
歸武林若華歿之日俱不及見
余聞之痛悼不能自已爰檢其

遺篋中所作詩文授梓以志不忘
且以志余之不忍云爾

乾隆癸酉三月澹軒書

紹三堂

余與妹若華早失母依祖妣幼偕從于師
學為文余妹最警敏操筆立書雅宗先正
自成風骨余愧遜焉稍長即離傳自業喜
為聲律之學工于儷體發諸咏歌率皆炳
藻其模寫物象陶冶性靈雖經營慘淡弗
能過也倘天假之年益務記覽其庸可量
乎而無如病且卒矣去年冬余以塋母南

旋聞卒即馳歸已不及視歛惟有揮淚江
干拊心長慟而已念先母止生余二人
相愛如一體刻不忍離今余獨存耳在天
之靈何以克慰余是以悲之更日夜思所
以自勵也兄瑗記并書



芳蓀書屋存稿目錄

兄瑗閤夫校字

卷一詩

芳蓀書屋

立春和韻

梅影

新桐

櫻桃

新荷葉 二首

友清軒

後書苑

逢源池

逢源亭

立秋次韻 二首

秋海棠

秋柳

秋蟲

中秋雨後翫月

書中乾蛺蝶

偶興

歸鶴亭

冬日懷二妹

冬夜和家兄韻

對雪 四首

嘉平月夜西園散步 二首

冬至即事

賦得臘月北風寒

留別淮陰府署

賦所見

移署偶吟

小迎春花

寄懷二妹 四首

元日

春雪次韻 三首

梅

紅梅

曉起看梅

放龜 二首

和春夜風雨原韻

盆梅半殘 二首

殘杏

夜雨次韻

送春

清和夜興

賦得四月清和雨乍晴

小園榴花一本為重陰所蔽不能盛開偶占三

絕

小桃初實偶興

喜晴 二首

夏夜遣興

竹

夏日登樓晚望次唐人

姚合原韻

夏日小園

夏日有懷二妹

夏夜

白蓼花

水蓼花和韻 二首

對景 四首

即事

對雨

明窓閒書

憶兄

四首

黃河

日暮即事

西軒鶴次韻 四首

枯木

即事 十首

憶湖北學使署十八韻

賦得詩人多窮愁

乍來雙鳥宿于屋上許

久而去若有意者驟成長句

賦得月湧大江流

雁來紅

秋柳晚煙

秋山殘照

秋雨殘荷

明月秋池

青霜秋曉

賦得白露橫江

賦得好古乃天稟

賦得九澤雲間獨鶴飛

賦得疎種碧松通月朗

對落月

詠星

不見月

蘭

咏自鳴鐘

留別淮揚道署 四首

舟行偶興

月夜舟行

寒月 二首

燈

冬夜懷二妹

嘉平前一日

四白詩次韻 四首

卷二詩

立冬前一日 四首

賦得十月先開嶺上梅

初冬夜雨雪

冬夜憶二妹 二首

冬月

冬雁

冬松

長至

倚雲書屋 四首

雪夜小飲 二首

嘉平三日小酌 二首

嘉平十五夜平臺眺月

臘夜遣興

賦得臘近已含春

賦得梅心凍有花

雪後尋梅

雪霽月夜觀梅

瓶中臘梅

采梅烹茶

除夕 二首

立春 四首

早春催梅

早春偶作

紅梅 二首

送別二妹 二首

喜晴 二首

殘雪在樹

春夜偶成

次許太夫人見贈原韻

春日憶二妹 二首

春宵步月次韻 二首

春草

殘梅

風箏

賦得燕在花邊捲雨來

賦得新笋漸成堂下竹

插柳吟

送春

賞牡丹

重賞牡丹 二首

牡丹落 五首

芍藥殘

瓶中赤芍藥白繡毬

茶

初夏偶成 二首

鳳僊

蓮房

燈下看月

七夕

對月

水中雁字

秋夜 十首

代父題存璞圖 二首

秋窗閒話

蟲吟壁

蟬吟樹

雁吟秋

代父題嚴存璞獨坐幽

篁圖

新磨鏡

賦得山明遠色同

秋暘 同兄聯句

落葉 同舅父聯句

秋日遣興

新秋月下小飲

中秋雲下待月 二首

月夜

棣棠

蘭

悼芳蘭

重陽

和仙詩 二首

秋風

秋雨

秋海棠

秋蘭

卷三賦

七夕對銀河

螢火

月

秋菊

卷四詞

梅

海棠

酴醾

雁

雀

鷓鴣

鸚鵡

鷗

鷺

鵲

鶯

鳩

白鷺

鴛鴦

鶴

白鷗

風中月

雨後月

方鏡

玩月

暮景

嘉平遣興

芳蓀書屋存稿

芳蓀書屋

當湖吳氏瑛若華著

官舍營新屋芳蓀雅稱名窗前香暗度簾外佩無聲
粉壁揮毫滿牙籤題字清金爐煙靄細石硯墨花新
漏水銅壺響侵階碧草生迎眸殘月照入耳曉禽鳴
幽靜疑山谷囂喧近市城詩書吾宿好終日倚軒楹
立春和韻

攜尊尋媚景踏遍徑三三嫩柳春初識老梅歲久諳
魚遊試水活鳥語勸人酣無數秋冬雁今朝盡背南

梅影

一樹寒颼瘦影移疎疎頻上小窻欹參差玉骨橫拖
月浮沒冰容倒瀉池臘盡江南攀不得春深嶺北嗅
難知最憐雪壓枝頭滿雜入花痕繪欲疑

新桐

佳樹葱葱當暮春沈沈團露翠初勻風吹空井華方

吐雨濯平臺榦正新漸布青雲招舞鳳遍舒碧葉待
詩人莫教老却清涼影來往桐園不厭頻

櫻桃

垂垂先熟向春酣羅袖迎風曉起探金彈未能充鳳
食寶珠爭奈被鶯含一團的爍虛紅燒萬顆勻圓冷
液甘安得赤瑛盤色映招邀明月照筠籃

新荷葉

青青荷葉曲池中水面纔浮一半籠駢蓋欲張低曉

日玉杯新展側涼風初看色奪漣漪碧已有香爭菡
萼紅夜夜盛將多少露秋來冷落翠珠空

其二

乍見清涼水月身田田嫩綠絕喧塵梳來洛女青鬟
薄裁出湘妃翠袖新盤小也能盛湛露蓋低時復惹
浮萍於今初展文波上轉眼亭亭蔭碧津

友清軒

友清軒午讀書殘小立閒階無限歡片片丹霞朱槿

熟團團白雪繡毬寒芭蕉萬顆環青壁蘭草千枝照
畫闌最是東風三月暮薔薇滿架錦迴瀾

讀書軒

枝枝竹葉侵窻暗片片葵花刺眼明點綴閒苔階自
碧高低亂石徑無平芙蓉開處明霞駐薜荔披時綠
佩輕最是燈前棋一局半輪月色照簷清

逢源池

一渠曲曲弄潺湲欲共西湖爭媚妍謝却蓮花清見

底常浮荇帶綠無邊半橋柳色和朝雨萬片魚鱗斂
暮煙最是清明當夏午碧藍四面水中天

逢源亭

徘徊亭畔興偏濃十二欄杆婉孌同鴨綠茶溫分沼
碧鶯黃醉色映霞紅林陰半捲雙橋日花氣全隨入
檻風最是高低芳荔遍明湖點點灑簾櫳

立秋次韻

衫袖生涼團扇收西風又送一庭秋鳴蟬不厭淒清

景盡在將衰柳樹頭

其二

驚聞雁唳過高樓一字南飛萬里秋玉露金風催暑
去可知池上白蓮愁

秋海棠

牆下游魂帶露晞淚痕紅透綠羅衣依稀舊日愁容
在嬌似楊妃只欠肥

秋柳

寒蟬吟遍色淒涼瘦盡柔條度夕陽記得長隄春色
好懶將春眼看秋光

秋蟲

不管階前露與霜嚶嚶唧唧自悠揚也知惟有長吟
好消得年年秋夜長

中秋雨後翫月

滴斷愁霖夜半時雲消不借管絃吹曲江新漲濤千
尺明月仍開桂一枝光滿金樽多客醉寒深玉宇少

人知清輝翫盡秋風靜露重疎林訝雨垂

書中乾蛺蝶

輕狂曾看舞園亭一別春風染翰青玉屑長辭花上
露仙衣擬學案頭螢何因粉翅埋三篋轉羨香鬚伴
六經寫入畫圖魂不返莊生曉夢幾時醒

偶興

秋風蕭瑟百花殘獨坐吟詩夜未闌唯有參差黃菊
影一叢籬落耐霜寒

歸鶴亭

離離荒草帶寒煙俯仰蕭條憶往年危葉驚風飄滿地殘花過雨落盈泉無歸白鶴空亭畔有去烏雲孤苑邊極目遙憐秋色淡嘹嘹一字鴈橫天

冬日懷二妹

離家今數月且歎歲將終愁對侵窗雪驚聞隔戶鴻非嫌淮浦靜安得故鄉通獨唱思尤切惟君心意同
冬夜和家兄韻

千家此日畏寒同四望荒園木葉空寂寂松圍留後苑依依竹影伴枯楓論文多趣歡無盡酌酒相酬興不窮燈燼猶含夜半雨一行白雁獨飛東

對雪

靜看舞雪坐幽齋素景偏宜遣素懷冷浸玲瓏花滿樹陰濃隱約月當階飄回小戶圭形闕堆上斜闌亞字埋最是危樓憑眺望凝眸不盡白雲涯

其二

三徑荒涼百卉摧梅枝獨向雪中開新添淡影都遮
去舊剩清香尚暗來凍雀驚飛瓊屑落寒風迴舞玉
峰顏書窻一卷吟初罷試看奇花又若堆

其三

亂灑高低一望勻輕於柳絮白於銀茅簷低壓寒尤
重爐火頻添氣未伸漠漠青山渾改舊紛紛大地任
翻新莫教弄盡顛狂態眼底飛花未是春

其四

清颺吹亂白紛紛滴盡疎簷度夕曛踏去銀粧全齒
碎掃來玉屑半泥分一堆今夜留殘月幾片明朝散
薄雲記得舞時人共賞容華消盡有誰聞

嘉平月夜西園散步

酒闌乘月到西園拾級高臺玩一番萬里晴光流碧
落千家虛白破黃昏敲松葉密輕煙放凍石凹深舊
雪存莫負此中良夜景衝寒踏遍古苔痕

其二

穿林人語宿鳥驚風逼貂裘知夜平月色未嫌苔徑
冷梅香不管玉霜清玲瓏亂石移時坐曲折迴廊隨
意行無那漏催歸去也回頭一片白雲橫

冬至卽事

良時興不同那復畏寒風白日斜窗外青雲對宇中
且歡多竹綠莫歎少花紅南至一杯酒行吟樂歲終

賦得臘月北風寒

得寒字

颯颯北風厲淒淒臘月寒飄飄狂不禁倏忽冷無端

高漢送遙雁空崖偃早蘭竹枯枝折易萱凍葉抽難
蝶舞吹梅落粉消捲雪殘塵封失後苑雲擁護前巒
飛鳥藏叢木遊魚伏遠灘松聲一夜吼燈影半窗闌
徒益邊關苦還添貧巷歎蕭騷催歲暮蕭瑟逼裘單
轉瞬春暘暖涼颼力亦殫

留別淮陰府署

行行對景意徘徊梅近初春已欲開在昔紅蓮浮曲

沼予於六月而今白雪壓荒臺於十一月官齋碌碌

望後來署

朔前去署

芳菲書屋存稿
踪無定鳴鳥依依去復來聞道新居差爽塏肯忘微
步舊蒼苔

賦所見

獨鳥棲枯樹巢居何處邊可憐無侶伴暫止復穿煙
移署偶吟

新居實爽塏俯仰興悠然竹影晴窓外松陰幽室前
清風常可樂好鳥最堪憐對此歡無極憑軒弄管絃

小迎春花

正月黃金色春來喜早迎根泥雪未盡葉蒂蕊皆盈
月照垂微影風吹寂有聲徘徊高樹下對此動吟情

寄懷二妹

昨歲春天聚首時依依弱柳正垂絲無端離合都成
幻閒向東風有所思

其二

二月鶯花別緒長悠悠淮浦悵孤行臨風欲問東湖
舊無那雲山隔故鄉

其三

連綿春雨滴疎簷
花落鶯啼更可憐
却憶往時攜鮑妹
輕風搖曳木蘭船

其四

一林紅杏倚牆開
對景那堪遣素懷
柳絮清吟應幾許
何時寄我錦囊來

元日

和風催送爆聲頻
共賞今年第一晨
曆換河山原是

舊臘辭花鳥自番
新正朝始報四時
節故歲先消十日
春處處華筵椒酒
綠應知醉盡世間
人

春雪次韻

春風吹六出滿地
認梅殘雪意空遠
暖人情已厭寒

其二

盡憾花遲發誰憐
雪易殘飛飛一半
滅難保舊時寒

其三

沾林花信早帶雨
月痕殘嫩草驚頭
白嬌鶯怯羽寒

梅

粧成淺淡本來姿不怨東風到每遲
花放春初須應律葉彫秋晚也隨時
何妨常向空庭鎖未肯輕為俗客移
自是芳心人不識惟餘明月兩相知

紅梅

瘦骨冰心本玉仙豈經霜雪怕清寒
偶然學得嫣紅面任爾遊人作杏看

曉起看梅

淋浪一夜憶梅枝曉起看花玉半墮
零落何須怨風雨如今不是惜春時

放龜

靈背何心被世珍文章無益却傷身
十錢買得千年壽好認歸途覓舊津

其二

幸免剗腸流血死從今網罟細關心
慎無溱洧輕然至須向三江深復深

和春夜風雨原韻

桃杏無言零欲盡無情風雨未曾知
隔窻一夜聲何
急怕看殘香曉起遲

盆梅半殘

疎枝植向古盆中深護房櫳避雨風
無那冰魂關不住
笛聲吹破玉玲瓏

其二

一片銀粧半欲墮寒香消減力難支
盆中留得清癯

骨更有明年全盛時

殘杏

孤芳冷落小園中未肯爭妍桃李叢
空憶東山翻五色徒懷南海占千紅
疎枝不耐青梅雨隻影還驚黃雀風
春去夏來都是幻笑他開謝竟何功

夜雨次韻

梅杏無言零欲盡春風春雨未曾知
隔窻一夜聲聲
急怕看殘香曉起遲

送春

再逢淮浦送春歸更惜今年花易飛
一夜暗催紅影瘦五更已覺綠陰肥
夢回倚枕風薰面粧罷臨軒絮
拂衣春去夏來須應律詩成空自意依依

清和夜興

閒對清和景物新寥寥深院更無人
風侵瘦竹敲寒玉月透疎林踏碎銀
却羨榴花偏耐夏可憐荷蓋不
爭春今宵獨坐情無限漫數殘更著意聽

賦得四月清和雨乍晴

風過疎窓驟雨歸閒閒芳草弄晴暉
當簷語燕巢泥落拂檻低梅枝實肥
日色淡移深樹影雷聲還逐斷雲飛
徘徊曲步斜廊下猛覺輕涼透夾衣

小園榴花一本為重陰所蔽不能盛開
偶占三絕

春歸深院不成叢獨占清和一點紅
無數杏桃低結子花開何意更爭濃

其二

不能向日共爭光
聊伴流鶯深樹藏
憶到生時無限
恨紅顏寂寞對斜陽

其三

妒殺紅裙亦自羞
疎條輕綠未全抽
年年埋沒濃陰
下翻羨黃花傲素秋

小桃初實偶興

蓊蓊綠葉新高枝
僅數尺可憐初結子
幾點侵簾赤

一日幾迴看物少
生愛惜崑崙熟待霜
玉山變為石
那得到綏嚴何處尋
度索難效方朔偷
空懷趙升乞
黃影不可求
紅英聊自適
偏宜對晚霞
灼灼兩相射
盤中帶葉盛
月下和露摘
爛熳珊瑚紅
掩映滿園碧
幽香可和神
幽味同靈液
盡日玩花前
迎風詩思積
雖為下土根
應自蓬萊謫

喜晴

連綿雨雪弄春寒
深鎖閒扉凍葢蘭
今日新晴庭外

立半谿梅影日三竿

其二

柳拂柔條碧玉纖
呢喃新燕語穿簾
危樓徙倚觀殘雪
十里明珠滴畫簷

夏夜遣興

閒坐松窻下空堂
更漏初月浮雲角
淡星掛柳間疎螢
火階前亂荷香
檻外虛蕭蕭風響
竹夜半入吾廬

竹

離離練實鳳翱翔
文竹山前拂石牀
風動一聲孤鶴嘯
月移千影萬夫長
春深含籜幽窻畔
秋晚垂姿曲沼傍
負雪由來知勁節
萋萋檻外茂寒鄉

夏日登樓晚望次唐人姚合原韻

乘興登臨斜日後
憑闌極目望無窮
楚山掩映重雲外
淮水蒼茫遠霧中
低柳迎來一鈎月
高松引得半樓風
徘徊遙對疎籬處
茅屋燈初立老翁

夏日小園

徘徊盡日小園中景物無多趣不窮
幾點花飄初過雨數痕池皺乍來風
簾垂竹色參差綠日射葵芳爛熳紅
對此心閒詩興逸夜深猶倚碧梧桐

夏日有懷二妹

當午旭日懸紅光透潭底獨坐南窗下
團扇不能已遲遲日斜後霞色浸簾裏
瀟灑步庭前欄干閒徙倚碧天無片雲
綠陰暮風起月湧女牆頭光漾清渠水
對此無限情遙想人千里別君二載餘
空傳魚雁使

憶昔聚首時依依同視履捲簾刺繡罷
唱和清閨裏有時弄素琴盡日不能止
有時一局棋勝負皆可喜當此仲夏日
西園紛青紫驟雨過疎簾開遍榴枝葢
月下採黃梅風前摘朱李回首忽如夢
今宵惆悵爾夜烏啼林影煙鎖虛窗紙
此夜相思意長安知道否

夏夜

金閨人靜後燭影自搖紅螢火穿簾
月荷香度檻風涼生深竹裏暑退淺
池中愛此清宵景驚心遠寺鐘

白蓼花

柔條搖影亂淡淡映閒扉月下梨枝折風前柳絮飛
蕊疑珠細綴花認雪輕霏紅蓼空繁豔何如素色稀

水蓼花和韻

嫋嫋垂英濃淡姿輕盈舞態似楊枝池中不共荷花
盡秋雨秋風色自持

其二

條弱不勝寒鷺宿花疎低映小窻幽最憐古渡千枝

曉淡著煙霞拂畫舟

對景

一林濃綠晚生涼小立閒階倚夕陽嫋嫋風來羅袂
動闌干十二遍荷香

其二

疎煙乍籠斂葵姿返照初收燈上時頻對竹枝移影
處一鈎新月照清池

其三

露濕花間萬點珠
林陰乍亂鳥驚呼
高低碧火螢來去
明滅青雲星有無

其四

數聲玉漏乘風度
一片銀河當樹橫
清絕可憐今夜景
直須危坐到天明

卽事

閒乘暮景倚庭蕉
淡淡餘霞紅欲消
一字雲鴻歸影急
雙枝巖桂暗香招
晚風吹帶涼輕透
早月沉波光

蕩搖噪盡昏鴉
秋夜色擣衣聲裏
葉蕭蕭

對雨

庭前閒徙倚
秋雨正蕭蕭
疎葉聲聲墜
清池點點消
煙浮荒徑斂
雲擁斷鴻遙
滴瀝紅簷漏
凋殘窻外蕉
明窻閒書

日照小窻晴
揮毫芸管輕
綠沈石硯淨
白泛玉池清
桐樹流疎影
茶鐺送細聲
霞箋題欲遍
點點墨雲明
憶兄

庭前閒步納微涼
風拂欄杆菡萏香
憶得舟中當暮
客一帆疎影掛斜陽

其二

閒愁無語倚簾櫳
霞色葵芳相映紅
欲上危樓一瞻
望心知無那萬山峰

其三

迴步空齋心轉悲
一簾風月二更時
只餘滿眼琴書
在無限愁思更語誰

其四

銀河橫斷綠陰層
倚檻沉沉夜色升
風過疎簷驚遠
夢滿窻林影背孤燈

黃河

九折風濤串百川
悠悠澎湃翠微徧
千年銀練奔淮
海萬里金波落楚天
遙憶采龍虞狩薨
復思黃帶漢盟堅
飛流直下離絃箭
滾滾浮槎雲外懸

日暮即事

半捲珠簾掛玉鈎金烏西墜景偏幽楓含夕照紅疑
燒蕉映殘暉碧欲流霞落晚鴉喧古木雲遮歸雁過
危樓蕭蕭戶外涼風起佇見虛中素月浮

西軒鶴次韻

悵望九臯難奮飛何堪夜夜逐籠歸臨風欲去翎經
鍛空向疎籬振雪衣

其二

皓羽縱禱月下棲霄姿埋沒郡園西料因衛國乘軒

誤故謫人間侶曉雞

其三

拳足淒涼立小庭數聲清唳夕陽聞自嗟不及衡陽
雁一字橫空繞白雲

其四

翩翩六翮乍齊時高逝翻然未肯遲若得西軒名放
鶴千年棲舞苑松枝

枯木

芳林書室在精
蕭疎全漏月華時
浙瀝金風歎早萎
高影已同無侶
鴈淺根常見半衰籬
寒條不共濃陰盡
枯榦還期淑
氣催尚有龍蛇夭
矯勢干霄子子耐霜枝

即事

悠悠夢破初倚枕
神情適倦眼半朦
朧虛窓殘月白

其二

浙瀝西風厲高松
見勁心不知霜幾許
只覺冷添衾

其三

寂寂倚羅幃孤燈
搖鬢影煙浸寒檻
陰人對垂簾靜

其四

鴈鳴千里遠鶴唳
一聲清脉脉何時
節迢迢已五更

其五

漠漠夜色闌疎星
低欲沒籬畔曉雞
啼微光斂庭闕

其六

起坐南窓下移燈
玉鏡開臺前粧未
了幾樹烏聲來

其七

對景喜晨清苔階踏曙色晴天碧勝籃一片霞如織
其八

灼灼扶桑樹亭亭絳蓋雲方山初捧出五綵日垂文
其九

焚香張素琴盡日金閨內旋旋積雪殘烏啄苔痕碎
其十

吟詩閒佇立縹緲數聲鐘深院無人跡闌干十二紅
憶湖北學使署十八韻

閒憶荆襄地依稀舊畫樓高居如隱逸靜處自深幽
好鳥清音喚晨葩佳氣浮山光簾外射江色望中收
菡萏開清沼梧桐覆小邱數蕉青靄映萬竹翠煙稠
橘結黃金盃柑垂碧玉毬綠籬榴子掛朱架木香抽
濃葉槐宜夏圓花菊傲秋桃明琥珀佩梅爛水晶旒
芍藥闌邊麗芙蓉澗畔柔朝霞落徑抄返照駐林陬
酌酒殘蓮漏彈琴盡月鈎玲瓏倚怪石來往見行舟
百轉聽鸞館千迴鬪鴨洲敲棋銀燭案看射錦囊籌

白雪三冬咏東風二月遊論文斜日下揮筆落星流
事往猶能記年迴不可留茫茫時節換勝跡古今愁

賦得詩人多窮愁 得詩字

風人多薄命今古有同悲富貴才無分饑寒書不知
五車賤子讀百結俗夫嗤晒腹空多史折腰向小兒
九重曾未達八斗若稱竒佳句吟千首窮途借一枝
囊空偏愛酒身瘦為耽詩白屋雨風逼青衫涕淚滋
春花迷病眼秋月照愁眉辛苦生前受聲名死後垂

乍來雙鳥宿於屋上許久而去若有意者驟成
長句

欲宿還生幾許疑簷前對立畏人知疎黃低柳無濃
蔭深綠高槐少好枝寂寂孤亭驚落葉淒淒雙影掛
清池徘徊待得斜陽後振羽迴看飛去遲

賦得月湧大江流

澹灩長江月金精湧碧灑練花浮玉兔錦浪眺銀娥
星隱餘光少風來碎影多魚遊搖散采雲吐浸橫波

盤轉千山合輪垂萬里過東流映圓闕終古兩婆娑
雁來紅

滿砌鋪丹楓不如却逢秋雁渡南初紫莖凝露紅方
密翠葉迎霜綠漸疎斜日離披穿樹底落霞迤邐遶
庭除黃花開處宜相映惹得微香色更紆

秋柳晚煙

寂寞殘暉裏涼風泛碧烟輕籠秋柳色猶學暮春天
秋山殘照

紅日墜秋山逶迤眺望間瀑飛餘靄淨樹隱暮雲閒
斜影紛金綺迴光漾翠鬟西風吹暮景樵叟踏歌還
秋雨殘荷

秋風吹細雨零亂一池荷波動飄紅粉珠跳碎綠羅
殘粧香暗減疎響夜偏多莫唱採蓮曲輕舟六月過
明月秋池

不眠貪看月明月在清池影射芙蓉冷光搖鴛鷺疑
丹樨沉水澹寶鏡照人歆落盡梧桐葉霜風池面吹

青霜秋曉

霜凝碧天曉一片秋光杳桐葉板橋頭踏碎知多少

賦得白露橫江

得橫字

遠山吐皓月江上露光橫玉映長天淨珠含秋水明
沉魚疑雨出解纜認潮生一夜蘆花濕孤篷滯櫓聲

賦得好古乃天稟

得天字

獨成好古癖素性稟於天雙眼注舊帙一燈搜殘編
吟詩求老格讀史憶前賢人物屢遷代文章不受年

形骸雖滅矣心跡自超然萬卷書為枕一端硯作田
沈酣耽古往玩味避俗牽切莫空憐愛須教姓字傳

賦得九澤雲閒獨鶴飛

得飛字

閒雲野鶴兩忘機獨振霜毛在翠微點入遠青雙翮
瘦惹來虛白一身肥月羅不碍高聲遠風榦無妨隻
影依漫道九臯多寂寞衆禽爭得伴君飛

賦得疎種碧松通月朗

得通字

栽松三兩碧玲瓏池濶清輝依舊通疑是枝柯疑是

影半含虛白半含風穿光零亂冰盤碎落照支離翠
蓋空愛煞秋濤當午夜亭亭疎響月明中

對落月

片月沉西嶺中庭橫絳河微微低玉桂淡淡瀉金波
陰澗流光少疎林暗影多雕闌憑望處星宿一天羅

詠星

磊磊明珠照夜闌一天散錦月弓殘林梢驚破棲鳥
影錯認王孫金彈丸

不見月

煙霏雲斂鎖秋晴空待冰輪倚畫楹暗露沾衣疑細
雨流螢透樹訝疎星蕭蕭落葉迎風響隱隱孤鴻破
霧鳴深院盤桓夜將半月光不見但聞更

蘭

冷落空崖人未見國香仔細識秋風幽芳不入王侯
榭羞賣金錢羅綺中

咏自鳴鐘

增吟破寂到堦除十二時間按節舒餘韻遠留花外
影一聲驚度夢回初訝非敲玉玎玲靜疑是垂珠滴
瀝虛對此宜詩且宜瑟悄然天籟滿吾廬

留別淮揚道署

蘭蕙飄香朝夕吟明窓素壁也知音漫言此去新居
好無那依依念舊心

其二

三載依依玉鏡前舊梳粧處最相憐不知今後紅窓

裏又是何人點翠鈿

其三

去去欲辭步又回黃花香裏一徘徊尋思明日東籬
晚那復攜尊待月來

其四

忘勞盡日立花間紅紫親栽不等閒辛苦粧成三徑
豔而今贏得後人攀

舟行偶興

兩岸蕭蕭秋氣涼
蘆葦深處又垂楊
千重山影浮遙
黛萬里波紋漾
夕陽錦纜拂開鴻
雁陣蘭橈驚起鷺
鷺行風光照眼
匆匆過月掛疎林
帶玉霜

月夜舟行

柳條沿岸帶疎星
細細風生浪不驚
秋水秋天無限
月一帆高掛鏡中行

寒月

倚檻對明月
溶溶吐碧霄
乍疑冰半折
還訝雪全消

老竹和光凍
枯松帶影凋
遙看南去雁
隱約向天遼

其二

玉盤低欲瀉
鴉陣落深巢
霜結餘輝冷
梅橫瘦影交
放船迷曉渡
行路怯荒郊
收拾殘光去
寒風擊露梢

燈

明滅疎簾下
熒熒背雪華
室虛孤影小
風緊冷光斜
一夜消長漏
三更折暗花
霜寒人靜後
為爾試新茶

冬夜懷二妹

日落又黃昏深閨靜掩門獨行人異雁雙照燭如鴛
昨夜同杯酒今宵共夢魂紛紛紅淚滴倚幕悄無言
嘉平前一日
小園殘雪映窓櫺閒詠新詩倚畫屏向暖梅心初拆
白背寒柳意欲舒青春光漸足年餘月臘信頻催箭
出瓶指說嘉平明日是徘徊不覺見疎星

四白詩次韻

白牡丹

也與妖姿一漾生江南天水迥羣英瓊花不入東西
苑瑤圃何來錦繡棚酣睡寶欄宜漏滴亂翻玉珮訝
輕盈色香自是無雙種魏紫姚黃浪得名

白蓮

玉環留贈素衣裳會見宮娥着淡粧日映霜消輸紫
的月移粉墮奪紅香晝眠不戀霞光暖晚放偏宜渚
水涼伴得遠公修淨土佳名還借謝詞章

白秋海棠

照艷銀缸繞砌前凝脂誰復比嬌妍素容不借新紅
粉綠影惟留舊翠鈿潤玉半銷飛屑落啼粧初罷滴
珠圓多情肯化山頭石夢逐墻花淡自憐

白菊

黃紫叢中玉液紛疎籬淺淡帶斜曛印開一片三秋
月剪碎三秋一片雲每到霜濃空色相豈因衣素寂
不聞白華不結神仙實丹法須知獨出羣

